



Broj: 01,02,03,03/11-15-1-1156,2/17

Sarajevo, 28.12.2017.

IZVJEŠTAJ

sa sastanaka Stalnog komiteta Parlamentarne skupštine

Procesa saradnje u Jugoistočnoj Evropi (PSSEECР)

Ljubljana, 16. decembar 2017.

Zamjenik predsjedavajućeg Delegacije Parlamentarne skupštine BiH u Parlamentarnoj skupštini Procesa saradnje u Jugoistočnoj Evropi (PSSEECР) i predsjedavajući Općeg komiteta za pravosuđe, unutrašnje poslove i sigurnosnu saradnju PSSEECР-a Bariša Čolak učestvovao je na sastanku Stalnog komiteta PSSEECР-a koji je održan u Ljubljani.

Prvi sastanak u okviru ovogodišnjeg slovenačkog predsjedavanja ovom regionalnom inicijativom bio je posvećen predstavljanju prioriteta predsjedavanja SEECP-om, koje će biti realizirano pod motom „Jugoistočna Evropa za budućnost“. Osim toga, na sastanku Stalnog komiteta PSSEECР-a bilo je riječi i o budućim aktivnostima tri opća komiteta PSSEECР-a, te perspektivi daljnjeg razvoja same regionalne organizacije.

Sastanak je pozdravnim govorom otvorio predsjednik Državnog zbora Republike Slovenije i predsjedavajući PSSEECР-a Milan Brglez, koji je istakao da Slovenija veliki značaj pridaje PSSEECР-u jer ova regionalna inicijativa predstavlja najbolju platformu za rješavanje zahtjevnih izazova u regionu Jugoistočne Evrope, od kojih su mnogi zajednički.

Milan Brglez je, također, rekao da je slovenačko predsjedavanje kao prioritete postavilo proširenje Evropske unije, jačanje sigurnosti, pružanje većih mogućnosti za mlade i pitanje digitalizacije.

Predsjednik Državnog zbora Slovenije osvrnuo se i na perspektive daljnjeg razvoja PSSEECР-a, ističući želju da se dođe do zajedničkog i najboljeg rješenja za koncipiranje budžeta i određivanje sjedišta PSSEECР-a.

Na sastanku, kojim je predsjedavao zamjenik predsjedavajućeg slovenačke delegacije u PSSEECР-u Branko Zorman, bilo je riječi o mogućim izmjenama Poslovnika ove parlamentarne organizacije, kako bi se nakon skoro četiri godine zastoja došlo do donošenja odluke o sjedištu i budžetu Sekretarijata PSSEECР-a. U vezi s tim, dogovoreno je da se do sljedećeg sastanka Stalnog komiteta, planiranog za mart naredne godine, dostave prijedlozi za izmjene Poslovnika i stavovi delegacija o tom pitanju.

Osim delegacija Slovenije i Bosne i Hercegovine, sastanku Stalnog komiteta PSSEECp-a u Ljubljani prisustvovala su i delegacije parlamenata Albanije, Bugarske, Crne Gore, Grčke, Rumunije, Srbije, Hrvatske, Turske i Makedonije.

Izvještaj pripremila:
sekretar delegacije PSSEECp-a
Jadranka Radović

Izvještaj odobrio:
zamjenik predsjedavajućeg Delegacije
PSSEECp-a
Bariša Čolak

Dostavljeno:

- Kolegiju Doma naroda Parlamentarne skupštine BiH
- Kolegiju Predstavničkog doma Parlamentarne skupštine BiH
- Kolegiju Sekretarijata Parlamentarne skupštine BiH
- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- a/a